

Сунъгъврт белдджӕхд бӕрсн дии лврӕн улм батлдж ӕргджӕлхмн

СССР-н Деед Советд сунъ-гългъна белдврт Яшалтинск районд 490 агитатор, тедн дундас 47 хальмг агитатор цӕлгъврин кӕдлмш келӕ. Хальмг кӕуӕд комсомолкс Овшиева, Пукова, Кекенова райцентрт, арвад гер болгар эврӕнн келӕр цӕлгъвр йир сӕнӕр кев. Эдн кесг кӕундвр, лекц умшад оln концерт ӕзӕлцхӕв.

Маныческ долан джилин школин багшнр Н. Шубина, Б. Цебеков, Р. Кисляк, Л. Бибинова—едн цӕлгъврин кӕдлмш кесн деерӕн, 383-ч совхозин хӕбнӕ хошмудар хувагджд, дару-дарунь Ушанов, Санджиев, Агинов, Курмаз, Игнатенко болн нань чигн хӕбчнрин хошд оч лекцс, докладмуд умшад, кандидатнрин тускар кӕундвр кегӕад КПСС-н ЦК-н февральск Пленумин шиидврлӕ таньдулад, теднӕ кӕдлмшднӕ орлцдж дӕнӕгӕн кӕургдг билӕ. Эн совхозин арвн негн хӕбчнрин бригад нег чигн гару угагъар хӕбдӕн хадгълдж гарцхав.

Сунъгъачнрт хойр зу гар лекц болн доклад КПСС-н райкомин лекторск баг, политическ болн научн медрл тархалгъна обществин члед умшв. Багшнр Никулина, Калачева, Чепус, Соколовский, Мамай, КПСС-н райкомин кӕдлӕчнр Шунгуров, Малик, Блохин—едн йир дару-дарунь сунъгъачнрт лекцс умшджд ӕгдг билӕ.

Ӕдгӕ цагт сунъгъврин белдвр тӕгсӕд, эврӕнн кандидатиртан дуугъан ӕгснӕ хӕбн, райогъар лекцс, докладмуд умшджд цӕлгъвр кедг икдхӕс биш, багърх зӕв уга. Фермсӕр хошмудар болн кеер хаврин тӕрӕнӕ кӕдлмш кеджӕх колхозникудт болн кӕдлмшчнрт цӕлгъвр кедд ик оньг бидн ӕгчӕнӕвдн. „Победа“ колхозин обществин баг (гардачнӕ Соколовский), Кировин нертӕ колхозин (гардачнӕ Калачева) 383-ч совхозин (гардачнӕ Никулина) багмуд йир сӕнӕр цӕлгъврт оньган ӕгч, цагцагтнӕ кецхӕнӕ.

Района культурн-просветительн учрежденьс СССР-н Деед Советин сунъгъврин белдврт зӕвӕр сӕнӕр эврӕннӕ кӕдлмшӕн ясрулв. Яшалтинск болн Соленовск культурин Гермуд 45 гар нӕр-наад арвад гер болгар йовдж, 25 гар нӕр-наад клубст сунъгъачнрт ӕзӕлв.

Шидр КПСС-н райкомин бюро болн района Советин куцӕгч комитет социалистическ дӕрлдӕнӕ аш диглв. Ӕкрас ӕс саадж авлгъарн района колхозмудас „Новый мир“ колхоз тӕрун орм эзлв. Эн колхозин саальчнр 1укр болгънас 242 килограмм ӕс январь-февраль хойр сард саадж авцхав. Саалин фермс дундас эн колхозин хойрдгч ферм тӕрун ормд гарв. Кесг саальчнр, тугълчнр, 1укрчнр, хӕбчнр авсн даалгъвран сӕнӕр куцӕдж, района Кундлгънӕ доскд бичгдцхӕв. КПСС-н райкомин пропагандин болн агитацин отдел „Ленинский призыв“ газетин редакцла хамдан социалистическ дӕрлдӕнӕ кеерулгджд барлгдсн бю-

ллетеньс гаргъна. Январь сарас авн хӕбчнрин бригадин дӕрлдӕнӕ тускар онц бюллетень гарна. Социалистическ дӕрлдӕ делгрулгънӕ эн янзиг бидн цааранднӕ улм ӕргджӕлджӕнӕвдн. Хаврин тӕрӕнӕ кӕдлмш ӕклхлӕ районд гурвн агиткультбригад кӕдлхмн.

Библиотекас болн клубс умшачнрин конференцс болн дамшлтта кӕдлмштӕ улсла багъчуд харгъулдж кӕундвр кехӕр белджд бӕнӕнӕ. Соленовск болн Красно-Михайловск клубс хӕбчнрин болн саальчнрин асхн глж кецхӕнӕ. Эн тоотиг бидн улм цааранднӕ бас делгрулхвдн.

СССР-н Деед Советд сунъгългъна белдврт бӕрсн цӕлгъврин кӕдлмшин диилвриг партийн организацс багджд, теруӕг эн джил авсн социалистическ даалгъврумудан сӕнӕр цагаснӕ ӕмн куцӕхд зӕрулж зӕвтӕ. Эн тӕриг Яшалтинск района партийн организацс кӕуцӕхнӕ лавта.

Н. КАРПУН,
КПСС-н райкомин пропагандин болн агитацин отделин заведующ.